


Viex Yesux Hu Dee Prawng See



Lukax 22:66-71

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015


Wa Scripture passages are from The Holy Bible in Wa (2012)

Puag Pua Pa Koe Plak Khaix


Kadaux been in ex tag sang yaox ti mhong gumlox pa ah “Khrit”. Gumlox “Khrit” mawh gumlox pa kaoh kaing “Misiyax” plak lox Hebrie heue. Koe dee bleeh “ Pui pa hoik pon pa roi rawm bee” (a) “Pui pa hoik laug”. Daux phuk lai Sigang Khri pa prim, cao jhai tiem deuh ah Siyiex tag sang ploi Misiyax hoek, pa hoik laug mawh Simiang, Cao Taoh tix kaux. Pui Yudax khankix ot tix pau ka Misiyax pa sang ploi Siyiex hoek.

Cao giex kaing li Yudax khankix mawh pui sawg ti tawng ka phuk lai Sigang Khri pa prim tom nie, kix hoik tawng grawng mhai dao deng pa yuh Siyiex ka siawp sibrawm. Viang mawh nan kix ang yum rhawm ka mawh Yesux “Misiyax”. Kix keud Yesux mawh pui ting phimap kheu ah tokaux Tix mawh Kawn Ai Siyiex “Misiyax”. Bawg yam in cao kaing li pui Yudax khan kix kied sidaing meet rhawm ka Yesux mai simie ti grheu ka Yesux.


Yam chawk Mose ka Siyiex, “Maix mawh mawx?”. Siyiex deeh pawk ah nin ka Mose “ AUX MAWH AWM PA MAWH AUX”. Deeh bleeh “Aux” mawh ceu kaux Siyiex. Mawh ceu kaux pa Singax Singeh. Yam ah Yesux “Aux” daux been in, mawh pa kok Nawh Cao Tix mawh “Siyiex” pa Singax Singeh. Mawh kheu nan Pharishie khan kix doh rhawm ka lox ah Yesux rug mawh tix Kawn Siyiex.




⁶⁶ Yam hoik riang praix, kix pa mawh kuad
song pui khankix, khrawm paox tix, khawm cao
giex kaing li pa ting khankix mai khawm pui
tiiem lai khankix mai kix tuk Nawh Cao hu,



ka dee khrawm ti prawng see cie kix ah nin,
⁶⁷ “Phan Maix mawh Khrit krai ka ex,” viang
mawh nan Nawh Cao ah nin ka kix, “Phan Aux
krai ka pex, pex tag ang yum rhawm kah,
⁶⁸ phan Aux chawk ka pex, pex tag ang deeh
pawk heue.



⁶⁹ Viang mawh nan jah tom yam in, Kawn kawn pui tag sang ngawm, plak taix khawn dawm, sibrawm Siyiex heue.”



⁷⁰ Kix khawmuik ah nin, “Phan mawh nan mawh Maix Kawn Siyiex lie?” Nawh Cao ah nin ka kix, “Mawh awm pa ah pex heue.”



⁷¹ Kix baox ah nin, “Ex kawn baox lo mhai rug yuh ka mawx? Kheu tokaux ex hoik mhong lox khaing jheeh Nawh heue.”

k. Deeh Thawk Theng

1. Kix viex Yesux hu dee mawx pon ngawb cao cao? Mawh pui mawx pa khrawm paox tix?
2. Cao giex kaing li Yudax khan kix nhie Yesux krai pa tix? Yesux pawk yuh ka mawx?
3. Yesux ah kawn kawn pui tag sang ngawm dee mawx?
4. Cao giex kaing li chawx pa tix ka Yesux? Yesux deeh pawk lox yuh ka mawx?
5. Yam mhong cao giex kaing li khankix lox ah Yesux “Aux”, kix deeh pawk yuh ka mawx?

kh. Krax Pa Doh Rhawm Ka Been

1. Mawh khu jao pa tixkix viex Yesux hu ka dee prawng see pui ceu Yudax?
2. Mawh khu jao pa tix, cao prawng see chawx Yesux mawh Misiyax, Kawn Siyiex?
3. Mawh khu jao pa tix Yesux ah, “Phan aux krai ka pex, (grawng mawh aux Misiyax) pex tag ang yum rhawm kah”?
4. Maix keud yuh ka mawx ka grawng pa ah Yesux, “Kawn kawn pui tag sang ngawm plak taix khawn dawm siawp sibrawm Siyiex heue”?

g. Krax Pa Deeh Shiao Daux Ju Tix

1. Mawh kheu jao pa tix maix yum rhawm Yesux mawh kawn Siyiex?
2. Yesux ah ti mawh Misiyax, pa hoik laug Siyiex Nawh mawh Simiang. Beeh glawm pa koe Simiang piang pui sin mawh pa tix?
3. Ex sang chix teei riang rao son ju pa im tix yuh ka mawx khaing daux been in?

Ng. Ceu Pa Rieb Gau Ex Khaing Been In

1. Yesux krai tix mawh Kawn Ai Siyiex sidawng.
2. Paw kieh ex awm cao giex kaing li khankix, pa hoik tawng ku ceu ang yum rhawm ka Yesux.
3. Maix pon rieb gau tix ceu ceu lie? Kawn koe lox chawx ceu pa tix?

Baux Lai Pa Caw Ti Ci

Lukax 22:69a Viang mawh nan jah tom yam in, Kawn kawn pui tak sang ngawm, plak taix khawn dawm, sibrawm Siyiex heue.”